

李文恭公遺集

季文恭公詩集卷四目錄

湘陰李星沅石梧著

男

樞概榛

編次

五言律詩  
五言排律  
七言律詩

贈姚石甫廉訪 二首

蕪湖感舊

題湯太母斷釵吟卷

荻港曉發

重九卽景代柬用熊雨樓喜雨韻二首

答陳心畬舅氏並奉胡煥農姨丈

雪霽次雨樓韻

題陳雲心遺像

張仙藻女甥過小園以詩卽景依韻答之四首

仙藻疊韻示介生姪因再答之四首

和雨樓寄懷四首

寄陳屏南舅氏淮上次心畬舅韻四首

再和仙藥 四首

海粟樓望月和仙藥韻

再和前韻

和仙藥送別原韻 二首

舟發長沙

四月二十四日泥溝驛夜坐追悼六女

舟過螺山懷王子壽比部

題景暉垣刺史仙源手澤圖

秋感和雨樓韻 四首

題呂麗堂觀察平苗凱旋圖

合江亭

培元寺

五言排律

冬夜感事仿西崑體用三江全韻

謁伏波祠用少陵投哥舒開府韻

題李竹溪師靜虛山房詩集

謁孟廟

七言律詩

清明書感

立秋

秋柳

送傅一聯卿歸章華

贈內子笙愉

二首

將之蜀中畱別

龍橋道中

舟抵渝城見紅梅數枝有感

武侯祠

相如橋

寄和張玉柯兄懷原韻

小憩覺林寺

贈真武寺僧

檢舊作落花詩有感重賦

四首

渝州雜詠

四首

寄內兄郭南屏卽以誌喜

三首

寄墀妹代柬

病中書感

逢殷五谷泉話舊感賦

四首

畱別陶雲汀師

二首

舟發重慶

晚泊關溪



宜昌舟次

荊州道中

雨中望岳陽樓

重陽前一日自題蜀游詩冊

秋日偶成

雜感 二首

楊芝樵移居城東走筆誌賀 二首

贈熊雨樓 四首

一笑

歲除雜詠借笙榆作 三首

除夕懷人詩 三首

答友人言志之作

舟中曉起對雪

重陽書感 四首

卽席贈鄧容容少尹并送吳香圃之長沙

登資陽城樓

白鹿寺

答秦半魯寄詩并索箋紙

書長生殿劇後

二首

卽席有贈

再贈

對酒

二首

酒半寄秦半魯

暝坐寄勞辛陔

夜大雨作

雨霽

小飲贈內

遣懷二首

前詩質之笙愉以爲太激更賦二首

春暮

荒齋

美人

放論二首

贈羅京江

觀音閣晚步

晚泊龍陽

舟過桃源懷楊惺庵廣文

伏波廟

西山

辰龍關

病夜

病起

中秋

枕霞山館遣興  
二首

莫哀

蔡黃樓袖詩過訪却贈  
四首

書恨爲醒漁作  
四首

和蔡紉秋見贈原韻  
二首

濡迹

歲暮懷歸

三首

呈李竹溪師

四首

寄內

月夜懷蔡黃樓

贈巖門杜時山少府

時山夫婦俱工詩集中唱酬甚盛爲書一律

題周文泉判官詠史諸作

李文恭公詩集卷四

五言律詩

五言排律

七言律詩

贈姚石甫廉訪

思君不可見乍見輒歔歔道義仔肩重艱危汗血餘臺  
洋會

賜鉞藏衛又驅車一掬孤臣淚鏡前白髮疏



我亦憂時劇春深臥病中是并千載定出處兩心同歸  
夢縈湘上離情佇皖東石城聊小聚餘事寄詩筒

蕪湖感舊

東壩曾經處匆匆廿五年園亭供蠟屐鐙酒雜歌絃桂  
管書難到函關尹易仙舊游餘塔影清夜峙江天

題湯太母斷釵吟卷

廿九年如昨開奩試苦吟滇雲妝閣冷瘴海血書沈玉  
燕倏無影瓊花不可尋天心傳節孝奕葉有華簪

荻港曉發

荻港渺何處微茫宿霧蒸風聲低鹿角星點散漁燈翠  
展山千束青浮塔幾層漸聞人語近前渡是銅陵

重九卽景代東用熊雨樓喜雨韻

小坐淡無慮東園抱膝吟花光闌水曲天意作秋陰游  
倦畏人事病餘生道心杜門權屏跡底用入山深

離索亦云久行踪感雪泥故人今邂逅佳節快招携履  
著疏林響城銜夜照低登高更何處薄醉倚偏提

答陳心畬舅氏並奉胡煥農姨丈

寄跡城南路幽棲孰與同詩情留晚菊霜意醉山楓  
我欲陪游屐言尋安定翁白雲枉持贈咄咄竟書空

雪霽次雨樓韻

長沙一夜雪何處妙高峯破曉晴光出連山雲氣鬆  
泥融沽酒屐寒遞入城鐘欲問漁樵渡從君倚瘦筇

題陳雲心遺像

宜南重執手病榻話淒涼一別遂千古孤懷逾十霜  
文

章雄吏部風節數補闕奇氣不能盡須髯猶戟張

張仙藥女賜過小園以詩卽景依韻答之

豈有平泉勝吾廬且避譁養疴餘歲月結習在烟霞山  
意將城補波光入檻斜園梅香乍吐昨夜雪飛花

椽蕪強半去松竹尙無多獨坐邀琴語幽懷倚檻歌林  
疏時見鶴亭小恰名螺欲覓玲瓏石蘇湖奈遠何

隔舍環畦菜當樓借樹陰圖書耽古趣鐘磬悟禪心月  
上人聲寂雲藏鳥夢深連牀坡穎樂將母快招尋

四照渾無礙紅牆聳漢臺種魚池水活呼鳴夕陽來淨  
業娛丹竈清游步綠苔肯持肘後印換取掌中杯

仙藁疊韻示介生姪因再答之

結宅猶城市閒居靜不譁寺鐘沈遠樹山郭帶殘霞樓  
小橙香聚櫺稀篆影斜藏書足清供懶再看唐花

知交音問少時事感懷多北斗京華望東坡水調歌宦  
游沙上雁人物指間螺欲爲蒼生出其如安石何

獨立復誰侶招呼鶴在陰不醫堅病骨無著淡名心石

徑沿松曲塘泥護竹深漸教生意滿散步愜幽尋  
偶此耽禪寂高吟何處臺晴光銜雪出春信隔年來綠  
截釘盤菜青黏蠟屐苔屠蘇新釀就佳日佇傳杯

和雨樓寄懷

高蹈離城市幽居隱棘茨雨心如有約百里亦相思携  
袂尋殘夢傳箋伴小詩溪橋香信早肯爲寄花枝  
始信鄉村好天然水石娛棲鴉孤艇傍歸犢一童呼可  
笑山人者偃關誰與徒寒宵祇予季情話擁紅鑪

南指夫餘道兵戈雁戶驚  
釜魚甘坐困風鶴競虛聲  
河上從軍樂清時伏莽生  
亂源誰解塞治蜀想方平  
林下君知我荷衣抱病裁  
奉親聊自遣經世復何才  
恩重酬無計憂深鬱不開  
春光近蓬華同是日邊來

寄陳屏南舅氏淮上次心畬舅韻

一別江南樹匆匆已半年  
幾時重會合相望劇纏綿  
路遠情來往書窮意萬千  
病閒殊不惡翻荷涓陽憐

宦游頻歲聚如影與形  
備甘苦挑鐙話行藏  
借箸謀塵

沙湏海月風雨秣陵秋記向長安笑看山過華州

小試烹鮮手淮陽寄此身當官能免俗好客不知貧種

韭徵前夢

夢在丙午除夕

移蘭廣善因

謂長沙育嬰諸務

碧湘門外柳

早見故園春

且住爲佳耳河壩顧盼徐天寒水合候地溼水荒餘鴻  
案迎年酒蝸廬隔浦居浮家稱吏隱莫只歎鹽車

再和仙藁

幾忘桃符換微聞簫鼓譁年光催綠鬢曉色逗紅霞著



屐溪橋滑攀衣石徑斜園林纔幾日已放數枝花  
人隨新歲長春入好詩多不負傳柑會彌令擊節歌銀  
旛飄蠟燕綵筆試香螺笑我拈髭老頻煩五字哦

補壁添苔暈開軒對竹陰雨多留客意雲有住山心市  
近塵囂遠樓高書味深東郊烟景麗還擬杖藜尋

頓覺池水解波痕浸釣臺游魚迎月上凍雀掠烟來揚  
柳吹銅笛葡萄引玉醅一家娛壽母愛日喜親陪

海粟樓望月和仙藻韻

薄雨洗山月娟娟深入城一樓繪春色小坐助詩情  
樹鶴先睡隔籬蛙試聲銜杯忘夜永銜拆已三更

再和前韻

月魄清如水烟痕綠近城細斟春夜酒却掃宦游情  
柳溆橫橋影花梢滴露聲蝦蟆故多事二月早傳更

和仙藥送別原韻

曠代牙期杳重懷古調彈在家如客暫行路尙春寒風  
絮合離驟溪山去住難解人惟骨月情話到更闌

別觴休滿酌愁入醉鄉醺倦態孤飛鳥閒心出岫雲倚  
閨勞遠望判袂惜同羣預約歸期早秋林坐夕曛

舟發長沙

忍淚出門去那堪愁緒牽沈疴猶似昨侍養未經年聚  
散殊多事行藏任自然別懷不可道風雨上江船

四月廿四日泥溝驛夜坐追悼六女

痛爾忽彌月郵亭老淚傾業緣多苦惱藥證未分明悔  
學成人態悽含大母情夜窻丫角香忍憶誦詩聲

舟過螺山懷王子壽比部

荆沔湖湘水飛流萬派衝一山枕江口螺髻若爲容我  
未見之子相思千萬重何當倚歸棹散步且支筇

題景暉垣刺史仙源手澤圖

兩世此游宦因緣問水涯會仙橋畔路曾駐史臣車遺  
墨能千古行春又萬家武陵源自在解語有桃花

秋感和雨樓韻

秋氣積遼廓沈陰喚不醒終朝閉門坐小雨帶愁聽伏

樞壯心冷攬梳衰鬢星閒中忽振觸夜起拭青萍

聞說東南郡時和生計凋沙橫淮浦漕海嘯浙江潮猶  
剩紅夷孽將憑烏石椒 天威神默運及早靖招搖

連巖粵西東萑苻道路叢金錢糜轉饜篝火莽環攻大  
峽妖氛紫長灘戰血紅重臣倚頗牧何以奏膚功

風鶴軍書警池魚鄰壑憂邊氓方喘息徹土望綢繆斥  
堠千山戍霜碁九月秋病餘甘澁落不敢問前籌

題呂麗堂觀察平苗凱旋圖

籌筆三苗靖磨崖一月成金鏡旋鳴寨玉雪照蜺旌湘  
上甫發甲粵西俄用兵據鞍雄顧盼楚塞有長城

合江亭

回雁聲如訴衡陽倚醉聽水光搖淨綠嶽色逗空青石  
鼓千秋碣風帆九疊屏寒烟兼薄暝半在合江亭

培元寺

盤髻上巉巖微茫夕照銜冷黃垂橘抽涇翠落松杉瀑  
布竹間瀉修樓山半嵌寺名肇何代吾欲叩琅函

五言排律

冬夜感事仿西崑體用三江全韻

梵雨落淙淙閒愁不可降  
錦箋封荳蔻芳草夢蘭芷神  
枕巫山幻情波洛浦澤禪參  
兜率偈聲杳步虛幾何處  
題紅線無聊問紫媵綃寒珠  
淚涇道遠碧茸逢蕭瑟潘  
安病癡獸宋玉愁鳳簫吹嫋  
嫋魚目望瞳瞳却憶巢宮  
燕阿誰認墨虵歧途飄短鋏  
華屋換新柳爲道曾瓜葛  
重游俯釣缸半彎楊柳岸一  
帶棟花糲巧舌雕籠雀拳

毛繡勒號劍溝圍石第粉確壓吳邦乍試芙蓉茗旋斟  
芍藥缸烟迷青瑣闌風裊綠油幢甫入天台路徐聆雜  
佩提金釵人十二瓊樹髻丫雙最愛雲英弱眞令楚客  
曉妝描螺子黛眉印月兒龐照鏡梳蟬翼凭奩插鳳鏡  
鈎網安綵纈裙縐畫湘江鈿綴蟲腰細衣熏雀舌麗郎  
當閒錦跣百八繫秋雙轉調鸞笙唱催花羯鼓辭啼鶯  
春嬾娜撲蝶膽忪懣檀板同心曲箜篌滅字腔低垂攏  
玉指俏立貼蓮躑宛宛柔腸結喃喃小語恹微吟時倚



柱比目不驚瀧倘赴藍橋會全消白地嗔美人花作骨  
才子筆如杠鴛繡針神度龍文鼎足扛詩闔藏竹券葉  
杵擣雲塀紈扇珊翹墜筠簾絡索琤偶經桃葉渡並坐  
木蘭艤對酒潮登頰推篷浪打雙神疑逢北渚游欲徧  
西筵詎意飛凰卜偏來磨蝎撞琵琶傳珞珣跳脫說崆  
峴桂殿將離鶴桃源浪吠龙伶工爭換羽舟子更移椿  
指捻香囊剩溪流別恨縱寂寥絃管院顛倒僂僂撞蠟  
燼啼銀燭燈淒呪玉釭三生尋碧杜屯字譜紅豈悵望

膠絃絕沈思落日黯孤懷吟不斷涼月上瑤窻

謁伏波祠用少陵投哥舒開府韻

第一中興將雲臺不紀功死生間疑忌成敗誤英雄雷  
奮昆陽雨天開國士風縱橫田牧起談笑井蛙空隴石  
霜磨盾甌南月偃弓黎丁書鍊券女子拜元戎九縣麟  
符震三邊雁堠通蠻獠縱餘孽雙鑠示羣公銅柱曾炎  
服椒房況列宮誓教烟掃北快覩日升東下隄孤軍入  
荒原五丈同狡愁營窟兔灰冷畫旂熊未翦狼烽盡先

傷馬草終崖泉揮劍涸火繖鏤金融鵑泣壺山外鴛飛  
毒潦中叢祠立前代伏臘走村翁樹古瞻喬木春深指  
亂蓬蘋蘩禋祀潔薏苡謗詞窮石扼狂瀾靜溪消宿霧  
蒙

王師永休息小麥熟崆峒

題李竹溪師靜虛山房詩集

嶽頂衆山小河流萬派先士生尙知己詩教在參元幸  
遇風騷彥重諧香火緣碧榆栽舊地金粟證諸天果妙

無根諦因探有覺禪味惟真乃永情以愛斯傳北斗瞻  
依近南豐執願虔恩波心上活古調曲中宣特賞邀針  
芥韶華速弩弦詞章薰一瓣書策奉三年却憶資陽謁  
剛從蜀國還猿啼巫峽樹鴉暗洞庭船放膽吞溟渤低  
眉計橐籥閣初通禰刺楊早爲徐懸潘縣文如綺王喬  
令亦仙量材分玉尺角藝擘瓊笺履錯翹英館觴開揆  
藻筵浹旬殊歛洽祖道復留連自別龍門日仍棲鷺嶼  
烟豈期師弟分卽此主賓聯鹿野萃笙韻蟾宮桂蕊鮮

凡魚爭跋扈羣馬盡騰騫  
鑿鑿珊瑚網星羅奎昂躔  
竭來和璞抱冥借嶠犀燃  
舉矣儀鴻吉艱哉磨蝸偏  
孔疏雖薦鶚齊苑但鳴蟬  
雨下秋宵涕珠沈楚水淵  
乍驚摸索巧更惜污泥捐  
爨冷桐孤泣亭枯竹半椽  
聞聲工湊拍顧影辨媼妍  
物色塵埃外悲歡几席前  
遂令登藥籠俾獲侍丹鉛  
載贈繞朝策頻歌相府蓮  
高枝翔鳳羽廣廈側鳶肩  
隄柳裴公渡崗花莊躋鞭  
塵揮談娓娓鵬息望拳拳  
牘判彈琴靜經橫滴露研  
濯鱗閒足樂飼鶴倦

尤憐白傅裘長被青黎硯肯田俯詢昌谷病親投漆回  
篇磊塊捫胸化水霜鍊骨堅名言獨瀟灑久任倍纏綿  
箕錦勞人怨滄桑宦境遷鐘敲春夢醒舟怯石尤顛墨  
綬須臾解游絲十丈牽浮空媧易補駭浪鵲難填署券  
投河鯉催歸聽杜鵑乘除原偶爾今昔轉悽然檣櫓將  
安植芙蓉不可攀蛇銜猶墜戶鼠飲又冷泉故壘雕梁  
剩殘膏畫壁延已拚甘屈蠖差喜近飛鱣熱淚銜杯落  
蠻獐問字便情深毫素託集富手新編沖淡摹虛際須

彌湧大千胃腸滌江瀨標格拔峯巔力直掃窠臼思專  
瀹秘詮同音誌笙磬共命感夔蛇往事隨雲散清輝佇  
月圓海濤結靈響還奏伯牙絃

謁孟廟

麟絕素王筆微言莫我聽羣雄分戰鬥橫議走風霆一  
自宗洙泗千秋判渭涇泰山尊氣象淮水毓英靈道遠  
承三聖辭先闡六經桓文終假勦舜跡必殊形屹比中  
流柱高如古星瓠甃生徵性善身塞啟頑冥楊墨塗斯

闢蘇張戶漸局設邪將獨挽醉夢覺皆醒直養沛天地  
豐功炳日星典崇前代祀儀表後來型騶縣頻神往驟  
車此路停卮金瞻廟貌鏡石樹碑銘雷鑿丹墀井風颯  
畫桷鈴藻茄垂竦碧檜栢插雲青近繹程朱理彌懷俎  
豆馨廣居猶美富私淑在階庭鐸久徇周季鐘難撞寸  
廷當時大人輩藐小幾螟蛉

七言律詩

清明書感



盡日思親淚慘然  
萋萋碧草帶殘烟  
魂歸故國三千里  
夢醒邯鄲四十年  
半世文章傳死後  
一家兒女哭生前  
紙灰吹上棠梨樹  
怕聽春山叫杜鵑

立秋

蕭騷涼意撼庭除  
永夜誰憐賦索居  
銀漢欲斜秋信早  
碧梧新冷葉飛初  
花間詞曲重門靜  
江上音塵八月疎  
偶話婕妤團扇恨  
齊紈明月近何如

秋柳

風風雨雨湖陵橋瘦盡  
長條復短條萬里秋光白  
下  
一場春夢付南朝夕陽  
古寺烏鴉亂殘月江村  
北雁過  
莫唱柳枝舊題句可憐  
人憶小蠻腰

送傅一聯卿歸草華

我太疎狂負少年蒼茫  
人海感琴絃論文涕墮  
荆庭璞  
贈別情深祖逖鞭落日  
半村楓浦樹歸帆一葉  
洞庭船  
君行倘念孤山客爲寄  
梅花助聘錢

贈內子笙愉

仙樂聲中譜玉徽  
綺梅香裏正于歸  
荆釵待汝齊鴻案  
步障隨郎解議圍  
雪白三升司馬飯  
春風五色老萊衣  
試看絳蠟芙蓉蕊  
應照鴛鴦比翼飛

繡閣留題有舊章  
簪花初艷女兒箱  
裁詩好下先生拜  
問字新添弟子行  
話盡寒宵人不寐  
修成清福我非狂

憐卿伴讀殷勤意  
願取朝簪爲理妝

笙愉著有簪花閣詩集

### 將之蜀中留別

一曲高歌蜀道難  
天涯分手淚闌干  
故交先後如雲散

歧路零丁况歲殘負爾華年仍劍鋏驅人遠別是飢寒  
庭前幾樹梅花發不得巡簷索笑着

龍橋道中

龍橋一步一踟躕畫出寒巖萬木圖山半有天留雪住  
石端無路倩雲扶人逢驛使花難覓地入荒原草易枯  
閱徧道旁郊島相未知曾解作詩無

舟抵渝城見紅梅數枝有感

載將晴雪向東川小別家山路幾千數點梅花開嶺樹

一年春思落江船霞飛渝水香爭渡艷入羅浮夢不仙  
知否故鄉今夜月有人惆悵倚窓前

武侯祠

十年前誦出師文慷慨高歌泣暮雲漢末事空灰五丈  
隆中策已定三分蛟龍破壁將軍壘檜栢春山帝子墳  
咫尺廟堂瞻未得成都車馬日紛紛

相如橋

長門買賦笑黃金執筆時先學上林狗監有誰能薦士

鳳琴生恐負知音當釀酒市春風醉題柱官橋草色深  
愁煞茂陵消渴疾爭教人怨白頭吟

寄和張玉柯見懷原韻

年來年去雪漫漫千里成都馬上看天府關河開沃野  
英雄事業惜偏安叢祠尙賽魚鳧僻巨鎮何如龍虎蟠  
且喜豪吟足傾倒椒花席上重瞻碑

顧影誰誇鶴立羣歐陽門下感慇懃平章風月無前輩  
管領江山有使君從古讀書須識字何時把酒細論文

題箋不盡丁寧意爲我高堂侍白雲

小憇覺林寺

白雲蕭寺對江城水碧山環自送迎荷蓋擎珠如靜女  
竹林飛瀑作秋聲人參佛座依禪悅鳥宿空庭得夢清  
更上浮圖最高頂飄飄颺好御風行

贈真武寺僧

浮生何處問仙鄉靜對蒲團歲月長愛看遠山嫌樹密  
學除閒日種花忙三冬菜好藏蔬筍幾畝田纔足稻梁

祇我尙懷卿相事又分煨芋到禪房

檢舊作落花詩有感重賦

錦障飄零感舊題  
嫣紅姹紫不勝悽  
珮聲西去雲千里  
粉片東流水一溪  
偶向塵寰留色相  
本來皓質惱污泥  
思量故國春如許  
怕聽羣鶯歷亂啼

橫塘十二曲闌干  
未著花時子細看  
早識紅顏多薄命  
劇憐翠袖不禁寒  
曉烟蹙黛眉慵掃  
夜雨淋鈴淚未乾  
盼到亭亭嬌怯處  
生愁風過替吹彈



三生杜牧恨茫茫綺夢分明又一場惜別舊隨芳草遠  
望春爭與柳絲長自今玉笛誰傳唱虛費仙幡作主張  
蘭絮因緣渾不管薄情未免怨東皇

一現優曇萬劫灰驚心七七杜鵑開繡脾新樣繡鴛譜  
羅襪殘香咒馬鬼他日重經賦青冢願卿長此住瑤臺  
芳魂記得垂簾路珍重凌波踏月來

渝州雜詠

步天參井指西垣肇造出來太昊孫古墓龜鱗嵌石立

高城龍虎倚山尊，輿圖俯瞰一千里。水勢環流十七門，始信生成形勝地。茫茫時代不堪論。

玉珍兵燹下，消磨奢獻紛紛。此地過鬼泣，轉輪宮內字血沈。紗帽石前波中流，忍聽離騷讀野殿。猶傳赤足歌太息，三忠遺跡在夕陽。衰草臥盤陀。

金銀白馬氣蕭條，酒散詩零又幾朝。夜雨巴江楊柳曲，春風香國荔枝謠。那無仙觀花千種，賸有涵園水一瓢。聞道渝關關上女，月明蘆管當吹簫。

豐年碑見樂穰穰依舊雄區控蜀疆烟火萬家盤上下  
陰晴一日變炎涼居民半屬荆人籍隔岸遙連估客檣  
我有雙魚將母寄竹筒何日到瀟湘

寄內兄郭南屏卽以誌喜

兩湖湖上故人居湘水經年判袂餘別院葡萄青可惜  
隔窓蕉葉綠何如詞場變局多離夢名士驕人少報書  
偶憶檳榔成一笑穆之旅食太蕭疎

初躡雲梯第一階雲英早向玉京來情知宛轉鈔詩讀

看不分明對鏡猜柳葉春風新學畫梅花明月舊憐才  
低聲恐是黔婁婦宮樣羅衣要剪裁

尺素殷勤與雁飛客中何以慰依依勝游頗得江山助  
異地相思蠨罔肥落筆漸能除綺語檢衣長自戀慈暉  
明年下峽扁舟穩飽載三巴烟雨歸

寄婢妹代柬

鄉居歎汝亦茫然中饋經營婦職全學業敬爲夫子勸  
離愁莫又阿兄牽一家花樣裁裙布五夜吟聲答紡緯

獨我倚闌問明月照人骨月幾時圓

病中書感

淒清紙帳月明間  
羈地相思獨掩關  
夜坐焚香虛繡几  
夢醒推枕憶雲鬟  
少年可惜偏爲客  
善病無聊願早還  
數徧江城好花朵  
依然梅訊念家山

逢殷五谷泉話舊感賦

托鉢圖參畫裏禪  
蕭齋清話感淒然  
地于巴蜀探奇勝  
天要艱難鍊少年  
浮世生涯易飄泊  
佛家香火重因緣

談深忽觸心中事，十丈愁絲落酒邊。

瞬息流光又歲殘，去年今日雪漫漫。  
離家未慣如嬌女，伴食爲名勝拜官。  
大小山前期努力，晨昏堂上勸加餐。  
臨岐忍向閨中別，淚雨分明捧袖看。

難得論心入九人，更闌燭灺酒行頻。  
者宵快叙團圓樂，異姓真如骨肉親。  
夜雨巴山游子夢，暮雲潭水古詞春。  
兒時愛唱陽關曲，聽到離筵便黯神。

悵望音塵口幾回，琴絲撩亂壁間灰。  
乍嘗熱劫都無味，

恐惹虛名願不才  
頗憐我原情字累  
獨憐君是故鄉來  
扁舟十月荆江道  
一路梅花開未開

留別陶雲浮師

特荷恩綸晉外臺  
去思碑聳石城隈  
法能運意安民隱  
心以推誠策衆材  
已見文翁憑軾化  
何時韋相擁旄  
來朝

天從此孚心簡  
卿月光明一鏡開

壺漿千里盡攀輪  
况我依依絳帳親  
立雪敢辭盤棧路

望雲深念倚閭人將歸黃雀仍銜惠乍賦驪駒自愴神  
惟願東風傳吉語宜男草茁謝庭春

舟發重慶

臘鼓聲中釀雪寒渝江水落不成灘獨攜歸棹歲云暮  
久住他鄉別亦難枕上詩情三峽遠春前風信一帆安  
遙知幕府開尊夜定對椒盤憶舊歡

晚泊關溪

關溪清淺扁舟橫水村歷亂催寒更燈孤黯黯作燐火



人靜齁齁聞睡聲  
瞑目微參入定法  
驚心細數還鄉程  
船窻竟夕不成寐  
細雨灑篷潮暗生

宜昌舟次

夔陵東下水潺潺  
千里行人一棹還  
峽口雲封魚腹壘  
江心天劈虎牙關  
遙聞笑語傳鄉縣  
却訂歸期報故山  
此夕歐陽亭小泊  
灘聲猶在夢魂間

荊州道中

拍拍春波水上鳧  
夕陽江口片帆孤  
山光遠出紅花套

天影平分青草湖  
南向冕旒趨萬壑  
東流襟帶接三吳  
白衣莫話前朝事  
艣曳殘聲怒有無

雨中望岳陽樓

一碧湖山艤棹看  
岳陽此日正春寒  
曉烟漠漠迷城郭  
夜雨蕭蕭怨芷蘭  
雲樹接天荆口遠  
魚龍吹浪洞庭寬  
何時更醉巴陵酒  
閒倚飛樓縱大觀

重陽前一日自題蜀游詩冊

黃菊花前酒一杯  
閒繙舊稿獨徘徊  
嘔心不落恒畦想

生面重尋別徑開  
三峽雲烟張粉本  
一江風月借奇才  
年餘稍喜詩情健  
曾向夔門險處來

秋日偶成

車馬聲中有傲廬  
年來結習漸消除  
自無長策聊工病  
生亦庸才喜讀書  
清影平分千个竹  
晚香細剪一園蔬  
聯吟絕好聞中友  
解用推敲我不如

雜感

倚劍雄心次第捐  
昌披了鳥尙依然  
懺情稍喜時瞻佛

拙飲何妨強學仙，熱不因人差免俗。病能無欲卽延年，  
單瓢陋巷尋真樂。只少顏回負郭田。

貧庶三閭鎮，日局蓋鹽生計。太零星文非售世，原無益  
藥爲醫愁。總不靈愛結蓮花，參卍字偶繙貝葉。讀金經  
蟬癡螳點紛紛者，一笑徒存傀儡形。

楊芝樵移居城東走筆誌賀

結廬何用避車塵，小小簾櫳點綴新。寒士移家無長物，  
先生入市亦高人。圖書典重聊隨隱，藥裹香濃不算貧。

從此千金懸肘後城東一帶杏林春

此地偏于舊雨宜褰裳咫尺鎮相隨勤修食譜原非俗  
故却廉泉亦太癡竟有芳鄰如我輩更無餘慝丐羣兒  
夜遊秉燭今番樂大酒肥魚醉不辭

贈熊雨樓

正苦匆匆歲事催相逢聊復笑顏開半肩行李擔秋去  
一笠蕭騷冒雪來如此清談曾幾日同消殘臘又今回  
人間天上團圓樂霜月分明照酒杯

酒闌起舞爲君歌，歌罷嗚嗚喚奈何。  
依食肯安牛驥皂，棲枝難覓鳳鸞窠。  
已經壯歲猶飄泊，卽論微名亦坎軻。  
信否詩魔能作祟，窮愁莫更費吟哦。

日月跳丸瞬息忙，雲龍角逐憶歡場。  
捉襟原憲貧非病，脫帽寬饒醒亦狂。  
幾許雄姿消棧豆，重游舊院感滄桑。  
懷人忍聽山陽笛，破壁昏燈古寺傍。

鴻泥何處不勾留，無那天涯倦遠遊。  
入世漸多兒女累，依人空爲稻粱謀。  
鳩藏片羽營巢拙，蛾感雙眉銜嫁羞。

擬借君才作天問前程可許望封侯

一笑

一笑蜨螂負重勞乾坤汗漫任吾曹瓶無積粟神偏王  
囊有餘錢夢亦豪酒半酣呼澆磊塊詩中變體禁牢騷  
須知鴻鵠凌雲志不數尋常燕雀高

歲除雜詠偕笙愉作

獸銀雙啟赤瞳矐狀貌戔戔繪色工似汝神明真乞相  
傍人門戶尙英雄兜鍪射影懸初日繡斧森芒對晚風

立地長年開冷眼看他趨避太忒忒

門神

碧盃瓊糜暈未消餽餽遺製手親調聊將投漆論賓主  
剛好含飴樂歲朝臘日香分菰米粥春風暖入杏花簫  
輸他白傅耽佳味一碟相如伴酒瓢

膠牙餈

千聲白雨沸如雷歲事崢嶸斗柄回幾處草生先有約  
明年花早不須催儻翁酒醉三搥散青帝旂開一隊來  
倘向楚王宮裏聽舞衫撩亂鬢雲頽

細腰鼓

除夕懷人詩



乙亥丙子兩載予寓都司街東吳瓊仙寓其  
西兩家過從無虛日每至除夕輒釀錢沽酒  
同醉今忽忽成往事矣言之慨然

東頭賃廡劇蕭條賴有西鄰慰寂寥語險驚人狂欲死  
酒酣吞海渴難消屢從更盡留殘臘不管春來坐一宵  
蹤跡頗嫌煩歲懶孤檠短榻住僧寮

戊寅歲暮予患鉅創幾不起得舊友張雲岩  
引芝樵至投藥一劑而精神霍然時除夕更

盡候也

賤子呻吟一息存  
感君中夜歛柴門  
折肱早入三醫室  
執手潛驅二豎魂  
秤藥明朝才健飯  
銜環幾載未酬恩  
便思對飲屠蕪酒  
往事從頭子細論

已卯除夕予隨雲汀師寓成都時啟事填委  
伏几作答漏三下事未竟師披髯浮白猶促  
作餞歲詩其風雅如此

車馬勞勞逼歲除  
曾隨嚴武客成都  
墨花香散春風暖

畫鼓聲稀蠟炬矗立授千言防脫腕吟安五字畧撫鬚  
今宵皖口開清讌鴻雪因緣肯憶無

答友人言志之作

萬策區分衆妙該試將位置靜中推膏粱醉夢原非福  
藻繪詞章不算才大隱自然甘淡泊英流一半起蒿萊  
龍伸螻屈渾閒事傳語同人莫浪猜

舟中曉起對雪

忽覺前山失翠微江天破曉雪霏霏玉龍十萬戰方怒

畫鶴一雙寒不飛，絮舞迴風春淡蕩。  
柳遲古渡夢依稀，征程耐冷原無味。  
欲泝寒流轉舵歸。

重陽書感

海波能滌旅愁無攬袂，高歌擊唾壺。  
百里雲山遲片羽，九秋風雨泣遺珠。  
况逢佳節難爲客，不耐窮途悔作儒。  
盼到桂花開又落，眼前隨意插茱萸。

堂堂歲月益崢嶸，匣劍沈銆夜不鳴。  
得雋競夸唐貢士，依人猶是魯諸生。  
文章自以科名重，時數難憑意氣爭。

羨煞鹿車偕隱樂少君可許遂歸耕

幕下何當置此身雪泥蹤跡本前因鄉關共照一輪月  
吟峽俄生三斗塵但有形骸難免俗倘無僮僕更誰親  
寒宵却憶同心友天遣詩人一例貧

聚如花鳥散如烟萬事乘除只偶然舊夢已驚塵海幻  
新知才結酒杯緣不爭磊落輸豪士便擬清狂列散仙  
十上秦書束高閣消閒一卷養生篇

卽席贈鄧容容少尹並送吳香圃之長沙

篆影茶香杳講中捲簾相對話西風名花入座詩宜雅  
巨鱗堆盤酒亦雄薄宦心情如水淡書生事業尙冬烘  
明朝又送吳郎別湘上烟波感斷蓬

登資陽城樓

資陽一帶水盈盈蒼翠如環擁石城兩岸危峯飛塔影  
半江柔艣泊船聲荒亭日落裴休宅故壘風淒魯肅營  
遙指前程通虎渡荆門雲樹接天橫

白鹿寺

蕭寺飛來何處鐘蒲牢一吼起潛龍荒碑雨蝕前朝字  
老樹秋蟠太古容徑僻自由蒼蘚合山深時有白雲封  
頭陀散盡無人識誰與啣花覓舊蹤

答秦半魯寄詩並索箋紙

斗酒狂歌亦壯哉驚人奇句破空來纖毫欲辟千軍壘  
此腹眞儲一石才湖海豪情君獨得瀟湘生面我重開  
山齋故紙都書徧更乞雲藍五十枚

書長生殿劇後

戈馬忿忿起范陽  
猛聞鈴語喚郎當  
凭肩有誓同牛女  
掩面無端作帝王  
自倚翠華甘謝錯  
可憐黃土竟埋香  
金釵鈿合須與改  
莫再含情問上皇

羅襪淒涼墮劫灰  
洗兒錢枉售疑猜  
誰傳宮禁點壽事  
幾見賓王草檄來  
一死功能扶社稷  
他生籍已注蓬萊  
聽歌暗灑青蓮淚  
曾醉沈香舊酒杯

卽席有贈

一顧當筵識舊因  
瓊席地起香塵  
曲中許我稱知己



燈下看卿似美人，誤墮梨園同小劫。羞隨錦帳效橫陳，  
幾時重返仙源住。流水桃花自在春。

再贈

鸞篋猶其舞筵爭，又向騷壇問四聲。俯首願稱詩弟子，  
畫眉宛肖女門生。歌繙舊譜調冰柱，字換新腔引玉笙。  
羨爾解人鸚鵡慧，牙牙學語易分明。

對酒

長鯨一吸酒如泉，仰屋酣呼醉欲顛。奇想徑須焚筆硯，

多情偏要學神仙，羞將挾策干時輩。  
恨不封侯及少年，著我羈縲緣底事。  
夜闌搔首問青天。

眼前睥睨做羣公，昨夢驚看海日紅。  
世事登場原傀儡，書生放步卽英雄。  
蛟龍卷甲藏霖雨，雕鶚梳翎待朔風。  
畢竟唐衢非俊物，向人垂涕哭途窮。

酒半寄秦牛魯

君家西頭我東頭，一日不見如三秋。  
雁聲入雲月黯黯，鴉點上樹風颼颼。  
坐剔膏煤照漢史，醉澆磊塊傾江流。

短衣匹馬肯會獵天明射虎南山邱

曠坐寄勞辛咳

曠色蒼茫暮掩關蕭齋幾許破吟慳身非宿士且隨隱  
心與古人相對閒讀舊書如歸遠客坐重簾似住深山  
春風吹綠庭前樹漸解低頭識笑顏

夜大雨作

雨淋鈴響到天明搢枕匡牀夢不成險東夔巫鬥江勢  
隱排雲霧走雷聲萬竿修竹筍新坼一徑荒苔草怒生

寄慰三農田水足扶犁及早事春耕

雨霽

遠霽全開嶽麓峯浮嵐疊翠晚來濃日光射地猶乘霓  
雲氣騰天欲化龍菜圃鋤鴉雙屐滑秧畦叱犢一犁鬆  
銜杯醉指西生月照送闍黎野寺鐘

小飲贈內

一天雪霰晚蕭蕭和雨和風上柳條低放重簾溫斗室  
細斟佳釀度春宵繡衾寒重衣頻覆藥餌香濃鼎自調

十八姨幡裁就否再遲三日是花朝

遣懷

蠻觸紛紜幾戰爭達觀何止蝟毛輕  
含沙蜮自工窺影赴節蟲偏解應聲  
奔走事權如妾婦尋常勲業在公卿  
施施久著齊人例羞泣憑誰破俗情

漸苦周旋失故吾累他長柄問葫蘆  
爾衡痛哭題鸚鵡莊叟春秋感螻蛄  
轉徙直疑終遣戍牢籠或恐又坑儒  
雄心欲倩丹青手寫出蒼鷹側目圖

前詩贊之笙愉以爲太激更賦

文人遭際古今同底事欲歔怨道窮酒味乍濃春易醉  
禪機微覺佛原空清時歛月蕭閒裏曠代功名想像中  
解識孔顏真意旨一邱一壑樂融融

慚愧才華薄俗稱唱隨猶幸得吟朋雲階月地成雙調  
鬢影釵光共一燈細畫烏絲臨晉帙新排錦字繡吳綾  
謫仙亦是蓬萊客似此清光得未曾

春暮

花似闌珊去日長閒來拋擲好春光已拚昌谷耽吟癖  
又向中山被酒狂千里生涯鴻啄粟十年家計鼠搬薑  
循陔次第栽護草聊取忘憂慰北堂

荒齋

偏到荒齋日月長晦明風雨幾滄桑曲躬坐似衰年叟  
低首羞同新嫁娘魚鑰晝扃高士戶鴻溝天劃萬公牆  
解人剩有華胥蝶時引枯禪入睡鄉

美人

美人誤嫁邯鄲卒名士高傳悞惱歌抱恨已將椎髻了  
遺愁如此黛眉何孤棲翠羽香巢冷生受紅絲歷劫磨  
吹縵春池干甚事東風灑淚下情波

名士一作樂府

### 放論

羣流測海強持蠡同同元精燭四維慧業生天猶造命  
大名傳世要乘時儒林學問荀楊陋經國勲猷管樂卑  
識得醴泉芝草意古今豪傑在人爲

烏兔奔馳迭不休迴戈肯爲魯陽留工詩務破窮人例



食肉先儲智，士謀頗怪冬。烘操月旦，可憐春夢誤風流。  
閒來撫髀生奇感，未到三公已黑頭。

贈羅京江

我已豪情漸掃除，君猶傲兀卷懷餘。鼎鐘傳世尚奇節，  
風雨閉門真讀書。人長直言同汲黯，天生大勇敵專諸。  
壁端自倚干將銳，肯信純剛繞指如。

觀音閣晚步

偶乘清興叩禪關，屈曲河堤自往還。尊酒無聊邀月醉，

晚鐘如夢渡江間，黑陰人立樹千尺。  
白羽鷺飛波數鬣，正憶閨中妝乍卸。  
遠山偏似掠烟鬟。

晚泊龍陽

一江芷水綠泔泔，小泊平沙日漸曛。  
窻納波光才吐月，酒含仙氣欲飛雲。  
者番泥爪留行客，此地絃歌屬使君。  
絕好運租船上坐，聽詩還有謝將軍。

舟過桃源懷楊惺庵廣文

雲水蒼茫古洞春，一官小住欲閒身。  
地饒詩境供名士。

天與桃花作主人  
世外桑麻皆列土  
山中雞犬亦仙鄰  
飛橋隱隔清溪路  
不遣漁郎來問津

伏波廟

蓋蓋危磯野殿尊  
伏波遺像至今存  
椒房寵貴曾聯戚  
苡米裝廉却負恩  
萬里征蠻炎海遠  
半山落日火雲昏  
江風向夜靈旗捲  
時有神鴉歸廟門

西山

秘書何年空洞嵌  
白雲隱露青巖巖  
石屋重厓鄴侯架

牙籤細字仙人函案頭鱗次有魚化佛膺窪深無鼠銜  
瑯環福地舊游徧更乞靈樞爲發凡

辰龍關

雄關南峙鬱雲高戰地爭傳剗削勞一線天光窺日月  
百年霜氣淨弓刀龍池遠控滇荒脊鳥道斜連蜀國尻  
回首雪中驅馬過萬峯頂上躡金鼇

病夜

暮色蒼茫靜掩門客窓風雨易黃昏家緣久住添離味

人悔多情長病根醒枕夢回秋帳冷靈檀烟悄藥盞溫  
支願自覓安心法身世浮沈總莫論

病起

忽悟浮生在達觀危言幾被老莊謾誰從諷刺窺方朔  
漸喜糊塗學呂端縱說法遲觀世早想成仙易稱心難  
步兵白眼原多事我願逢人平等看

中秋

五年輪指長沙月每到中秋客裏看古驛雲連歸路遠

征鴻霜早寄書難  
青天一紙空題恨  
白露三更靜倚闌  
只恐瓊樓最高處  
桂花搖影不勝寒

枕霞山館遣興

客居偃仰屋三間  
剩有離愁取次刪  
年少薄游皆眼福  
日長因病得心閒  
繚垣曲抱青環郭  
藜榻橫安綠枕山  
絕好蕭齋題半舫  
對窓只少石孱顏

予客川東時所  
居半舫類此

細草沿階展碧茵  
晚風吹縷水粼粼  
天生修竹宜高士  
我愛名花似美人  
倦理儒書參慧業  
靜拈禪語悟情因

除將掃地焚香外，倚檻裴回盼月輪。

莫哀

莫哀歌罷想王郎，拔劍窮秋擊大荒。  
國士知原負蕭相，象人遇亦感中行。  
裸衣欲碎三搥鼓，繞指難銷百鍊剛。  
閱盡斗筭何足算，座間只許次公狂。

蔡黃樓袖詩過訪却贈

獨爲中郎倒屣迎，柯亭孤竹感三生。  
對君無語神先王，賺我相思病不情。  
別足幾增和氏泣，嘔心聊竊鬼才名。

西風解慰羈懷冷吹送仙樓玉笛聲

時黃樓病足背痠  
予亦適患咯血

邊徼山川忽斬新  
塌來郢曲唱陽春  
胸吞雲夢不知數  
手鑄韓蘇若有神  
久卧尙能支健筆  
少年已許作傳人

釣鼈客未騎鯨返  
眼底何如現後身

黃樓有太白後  
身印章故云

洞庭南北各分居  
猶記夔陵返棹初  
衣上峽雲千疊重  
枕中江月半輪虛  
詩情跳脫重關外  
酒興蒼茫獨酌餘  
一事自招黃鶴笑  
未能飽食武昌魚

壯游兩度入辰陽  
秋燕飛時影頽頽  
人在騷壇逢大敵



天教奇士聚蠻荒豐城遠合雄雌劍在渚平分蘭杜香  
寄訊長沙張子野肯來鼎足豎詞場

書恨爲醒漁作

一幅雲藍劫火餘墨痕零落舊樓居綺蘭香散遺羅帕  
山石風迴引翠裾文字有緣終不偶美人無命欲何如  
唾壺血染傷心處誤死三郎押尾書

枯楊綰住可憐春錯嫁黔婁亦夙因院落乍聞鶯欸客  
簾波初捲燕窺人幾曾麝串通情語生遺珠胎惹怒嗔

麥飯淒涼寒食節更無青鳥泣紅巾

翠袖紅樓畫裏看爲誰含恨倚闌干惺惺癡態相憐久  
叩叩芳心欲語難鏡卜不諧妝合散銀燈無焰剪刀寒  
早知命比桃花薄低拜花神淚悄彈

花謝花開兩不知問君香尉是誰司任伊風妬難調護  
載得春歸又別離促柱哀絃空遠調遺釵墜珥可相思  
那堪漢上重回首梅子山頭月落時

和蔡紉秋見贈原韻

南度飛鴻感夙緣重尋雪爪認臞仙名心退似回風鷁  
妙句清于出水蓮幾許荀香非舊日數莖潘鬢尙華年  
客裝金盡貂裘傲誰與先生熨楚棉

勝游回首青天上我亦飢驅策馬忙兩地關河遲遠夢  
十年薪水唱勞商難忘子舍供烏養又對辰山數雁行  
且喜機雲同結友長離五色照炎荒

濡迹

鴻來燕去各長征三宿空桑不忍行峻坂驅車甘曲掇

中流擊楫愧平生六州枉鑄當時錯萬劫難消此段情  
濡迹何辭獫獯笑願爲大鳥一飛鳴

歲暮懷歸

白雲起處望庭闈迢遞家山夢欲飛負米尙令遲歲暮  
采蘭何以報春暉良辰獻壽持尊酒遊子承歡著舞衣  
往事忍同姜伯約拚將遠志換當歸

片帆江上去何遲昨夜燈花入繡帷  
餞歲光陰偏易到消寒題詠可相思  
空勞錦字傳情緒不信黃金縮別離

却指浮雲似夫婿年年臘尾盼歸期

伏雨炎曦六月船河梁分手各情牽原鴿呼伴音常急  
塞鴈思歸倦可憐已歎琴書羈遠道那堪風雪逼殘年  
天涯莫漫生春草孤對池塘有阿連

呈李竹溪師

時以左  
遷解任

萬重宦海一帆開忽到中流轉舵回若輩直須揮手謝  
此身豈爲折腰來清閒合受林泉福儒雅原非案牘才  
頗恨罡風吹弱水不教仙籍注蓬萊

名場躑躅尙心驚喘息剛從難後平  
神鯉無波遭蟻鬥  
元龍方蟄讓蛙鳴  
文人誤墮泥犁劫  
蜚語真踰草木兵  
倘共世情比熾險  
青天蜀道未難行

兔月羊燈事已非  
蕭條官舍暫相依  
應門僕散傳呼懶  
乞米書沈慰問稀  
午倦圍棋了殘局  
春寒沽酒典朝衣  
猶防薏苡明珠訪  
他日南舟載石歸

抱璞空山感故知  
講經久許列緇帷  
願隨精衛填愁海  
忍作焦察過別枝  
兩世交緣投契重  
三年人愧報恩遲

巾箱宛在銜環未孤負黃花飼雀時

寄內

時舉仲子概

才信蘭芽何不虛繡裳又抱掌中珠宵分索乳憐卿共  
客邸關心憶我無靈鵲翅翔類噪喜嬌鸞辛苦怯將雛  
桐枝恰趁春風長爲道新名喚小梧

笙愉新正試筆有  
玉階次第長蘭芽

之句

月夜懷蔡黃樓

寂歷重關獨坐時月明無地話相思空如仙佛談何益

厄到文章運可知常恨洞庭橫水國更堪咫尺判天涯  
南飛怕奏烏棲曲三匝淒涼戀舊枝

贈巖門杜時山少府

巖門管領大荒秋曉冊軍糧夜唱籌開徧蠻花如解笑  
醉呼虜酒不知愁雲飛奇趣衝礪砦風送吟聲撼戍樓  
我欲異書窮萬卷與君紙酒借荊州

時山藏書甚富

時山夫婦俱工詩集中唱酬甚盛爲書一律

印床花落篆烟輕粉黛芸香小閣并屈宋衙官從古授



神仙眷屬本天成  
牽蘿補屋寒猶薄  
煮茗敲詩夢亦清  
一樣高風數林下  
蘭膏我正倚雙聲

題周文泉判官詠史諸作

鼇擲鯨呿一卷開  
狂歌痛吸掌中杯  
快心論直探喉出  
放膽鳴先震耳來  
地下韓彭同雪涕  
古時遷固盡銜枚  
鴻渠鄭重春秋筆  
可惜參僚屈史才